

176. **Brachionidium serratum** Schltr., nov. spec.

Epiphyticum, pusillum; caule primario radicante plus minusve elongato, vaginis arcte appressis oblecto, tereti; caulibus secundariis brevibus teretibus, unifoliatis, vix 0,5 cm longis, foliis ellipticis obtusiusculis, inaequaliter bilobulatis, glabris, textura coriaceis, erectis, 0,7—1,6 cm longis, medio fere 0,3—0,4 cm latis; scapis terminalibus ad apices caulium secundarium, gracilibus, ut videtur vulgo unifloris, vulgo evaginulatis; bractea late ovata, breviter acuminata, glabra; floribus purpurascentibus, mox nutantibus, sepalo intermedio ovato-lanceolato, apiculato, glabro, dorso nervo medio carinato, 0,8 cm longo, infra medium 0,4 cm lato, lateralibus usque ad apicem in laminam ovatam obtusiusculam connatis, glabris, 8,5 mm longis, infra medium 0,5 cm latis; petalis oblique lanceolatis acuminatis, margine dense serratis, sepalo intermedio subaequilongis, glabris; labello e basi quadrato-unguiculata late rhombeo, breviter apiculato, angulis lateralibus obtusiusculis, medio callo rotundato ornato, glabro, 3,5 cm longo, medio fere 3,5 cm lato; columna brevi, rostello bibrachiato; anthera cordato-cucullata glabra; polliniis 6 oblique clavatis, basi cohaerentibus; ovario cylindraceo, glabro, c. 0,3 cm longo.

Peru: Bei Cochobamba. — Dr. Filomeno, 1907.

Diese Art ist durch die scharf gesägten Petalen leicht vor den anderen andinen Spezies zu erkennen.